

3-§. Chet el valyutasida xarid qilingan tovar-moddiy zaxiralari va boshqa aktivlarni baholash

13. Chet el valyutasida xarid qilingan tovar-moddiy zaxiralari (bundan konsignasiya shartnomalari bo'yicha tovarlar mustasno) va boshqa aktivlarni baholash, ularning xarid qilinganligini tasdiqlovchi boshlang'ich hisob xujjatlarida (tovarning kuzatuv hujjatlari yoki bojxona yuk deklarasiyasida) ko'rsatilgan qiymatidan kelib chiqib, ularni buxgalteriya hisobiga qabul qilish sanasidagi Markaziy bank kursi bo'yicha qayta hisoblab, shuningdek O'zbekiston Respublikasi Vazirlar Mahkamasining 1999 yil 5 fevraldagi 54-son qarori bilan tasdiqlangan Mahsulot (ishlar, xizmatlar)ni ishlab chiqarish va sotish xarajatlarining tarkibi hamda moliyaviy natijalarni shakllantirish tartibi to'g'risidagi nizamning [1.1.12-bandi](#), O'zbekiston Respublikasi buxgalteriya hisobining milliy standarti ([5-son BHMS](#)) «Asosiy vositalar» (ro'yxat raqami 1299, 2004 yil 20 yanvar) va O'zbekiston Respublikasi buxgalteriya hisobining milliy standarti ([4-son BHMS](#)) «Tovar-moddiy zaxiralar»ga (ro'yxat raqami 1595, 2006 yil 17 iyul) muvofiq shakllanadigan, xarid qilish bilan bog'liq bo'lgan boshqa xarajatlardan kelib chiqib aniqlanadi.